

# A T T E O Z I E R I



1

Ses un'amena e canora cittade,  
Sa perla pius bella e Logudoro,  
Racchiusa in sa tua Maestade,  
Pares innalzes misticu unu coro,  
Inneggiante s'antiga civiltade,  
E su possessu d'immensu tesoro.  
Cando su sole s'alza t'infiora,  
A su tramontu d'oro ti colora.

2

Has personaggios bennidos in fama,  
In medicina, littera e ingegnu,  
Chi non solu onoradu han tue mamma,  
Ma tottu cantu s'italicu Regnu;  
Prelatos chi d'Antioqu(1) han sa riamma,  
Giudices ch'in Santa Maria(2) hana un impegnu,  
E Uffriciales de altu valore,  
ch'in a'ogni tempus s'ana fattu onore.

3

Has su primatu in sa zootecnia,  
E non segunda in s'agricoltura,  
Frutta e verdura de ogni genia,  
ch'in su mercadu ispiccada e rigura,  
Terrinos de immensas prateria,  
Bene cumpensan sa fatica dura,  
Pro tantu ogni colonu, ogni bracciante,  
Su necessariu ha sempre abbondante.

4

Sos omine de imponente aspettu,  
Ispirana fiducia e simpatia,  
S'migu trattan cun sinceru affettu,  
Tenendeli gentile cumpagnia,  
Han carattere apertu e ischiettu,  
E s'idioma dulce melodia;  
A s'ospite, chi prestan dogni cura,  
L'usan sa cortesia e sa premura.

5

Sas giovanas perfettas in sas formas,  
Invitana Cupido a dardeggiare,  
De grazias de Deus tottu adornas,  
Illibadas si unin'in s'Altare,  
Isposas virtuosas che Madonnas,  
Diventan de sas mamas s'eseplare.  
Vantadi de tanta gloria Ozieri,  
Como e sempre sonante cantieri.

- (1) San. Antioco di Bisarcio: Storica Cattedrale, ed antichissima Diocesi, tanto che fu chiamata: "la piccola Diocesi mediterranea".-
- (2) Santa Maria del Regnu, antichissima Chiesa dove i giudici del Logudoro venivano investiti del potere.-

---

A U T O R E : DEARCA UMBERTO-VIA ARCHIMEDE-ORTUERI (Nuoro)